

# Inflasi akibat dua faktor besar: Najib

**KUALA LUMPUR, Rabu** — Dua faktor besar menyebabkan inflasi di negara ini kenaikan harga bahan makanan dan barangan import, kata Timbalan Menteri Kewangan, Datuk Najib bin Tun Abdul Razak di Dewan Rakyat hari ini.

Beliau berkata demikian sebagai menolak dakwaan Encik Alias Ali (BN-Ulu Trengganu) yang menyatakan kenaikan inflasi sekarang disebabkan kenaikan faedah pinjaman bank.

Ketika menjawab soalan asal Encik Chan Kok Kit (DAP-Sungai Besi) Datuk Najib berkata: "Angka petunjuk harga pengguna (AHP) yang

digunakan sebagai pengukur kadar inflasi di negeri ini meningkat pada kadar purata 9.6 peratus dalam tempoh enam bulan dalam tahun 1981 berbanding dengan tempoh yang sama dalam tahun 1980.

Dalam bulan Julai, ahp telah meningkat 0.1 peratus dan mencatatkan pertambahan berpurata sebanyak 9.72 peratus berbanding dengan jangka masa tujuh bulan dalam tahun 1980.

Dalam bulan Ogos AHP meningkat 9.7 peratus sementara dalam bulan September AHP meningkat 9.8 peratus berbanding dengan tempoh sembilan bulan tahun 1980, tambah Datuk Najib.

Bahan asal dari Arkib

Negara Malaysia